

**XUNTA DE GALICIA****CONSELLERÍA DE MEDIO AMBIENTE**

Delegación Provincial - A Coruña

Xurado Provincial de Montes Veciñais en Man Común

Edif. Administrativo Servicios Múltiples
Praza Luis Seoane
15008 A CORUÑA**XACOBEO 2004**
Galicia

Resolución de 15 de novembro de 2004, do Xurado Provincial de Montes Veciñais en Man Común da Coruña pola que se resolve o expediente nº 386 que afecta ó monte *Pedra Miñons e Seixos Brancos*, da parroquia de Tines, concello de Vimianzo:

"Reunido o 15 de novembro de 2004 o Xurado Provincial de Montes Veciñais en Man Común da Coruña, baixo a presidencia da delegada provincial na Coruña da Consellería de Medio Ambiente, D^a Ana M^a Díaz López, coa asistencia dos vocais, Don Ramón Martín López-Suevos, xefe do Servizo de Montes e I.F., Don Alfonso Vázquez Castro-Garma, letrado do Gabinete Xurídico Territorial da Xunta de Galicia, Don Juan Ramón Beneyto Bellas, representante do Colexio de Avogados da Coruña, Don José Manuel Caramés Franco, representante das comunidades veciñais de Montes en Man Común, e da secretaria Dona Ana María Casas González, xefa do Servizo Xurídico da Delegación de Medio Ambiente na Coruña, para estudar e resolve-lo

Expediente: 386

Monte: *Pedra Miñons e Seixos Brancos*

Comunidade: Tines

Parroquia: Tines

Concello: Vimianzo

ANTECEDENTES DE FEITO:

1º. Os veciños da parroquia de Tines, concello de Vimianzo, solicitaron deste Xurado, con data 03.07.2003, a declaración como veciñal do expresado lugar, do monte arriba citado e que ten as seguintes características:

Superficie: 13,50 Ha.

Lindeiros

Cadra cos lindes do monte nº 399 do C.U.P., o deslindamento do cal foi aprobado por Orde Ministerial do 16-07-1969.

2º. A vista de tal solicitude, o Xurado, na súa reunión do 02.10.2003, acordou inicia-lo oportuno expediente, nomeándose como Instructor del a Don Alfonso Vázquez-Castro Garma, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Corcubión, oídas tódalas persoas, organismos e corporacións interesadas, expedíndose mandamentos a tal fin dirixidos ó alcalde-presidente do concello de Vimianzo, ó xefe do Servizo de Montes e I.F. e publicándose



XUNTA DE GALICIA

CONSELLERÍA DE MEDIO AMBIENTE

Delegación Provincial - A Coruña

Xurado Provincial de Montes Veciñais en Man Común

Edif. Administrativo Servizos Múltiples
Praza Luis Seoane
15008 A CORUÑA



XACOBEO 2004
Galicia



edictos no D.O.G. (nº 116 de 17.06.2004), taboleiro de anuncios do concello e lugares de costume.

3º. Os veciños de Tines fundamentan a súa petición ante o Xurado Provincial de Montes Veciñais en Man Común en que desde sempre viñeron poseendo e aproveitando en man común o monte *Pedra Miñóns e Seixos Brancos*. Achegan acta notarial dos veciños manifestando que o devandito monte sempre pertenceu, en réxime de comunidade veciñal, ás casas con lume e fumo de Tines, e copias de documentos onde se fai referencia ao dito monte como monte veciñal.

4º. Publicados os edictos, e transcurrido o prazo para posibles reclamacións, non houbo presentada alegación ningunha contra o presente expediente.

5º. Na tramitación destas actuacións cúmprense as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común (D.O.G. núm 202, de 20 outubro) e o seu Regulamento de aplicación aprobado polo Decreto 260/92, do 4 de setembro, (D.O.G. núm 186, de 23 de setembro) ambos da Comunidade Autónoma de Galicia, Lei de procedemento administrativo e demais disposicións aplicables ó caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

2º. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños da parroquia de Tines son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuñeiros; 3) Que os veciños comuñeiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

4º. Das actuacións obrantes no expediente, e en especial da comprobación do expresado no punto anterior, dedúcese que no presente caso nos encontramos cun monte pertencente á Comunidade Veciñal da parroquia de Tines, no que se cumpren os aludidos requisitos.

Polo anterior, este Xurado, á vista dos antecedentes e fundamentos de dereito expostos, por proposta do Instructor,



XUNTA DE GALICIA

CONSELLERÍA DE MEDIO AMBIENTE

Delegación Provincial - A Coruña

Xurado Provincial de Montes Veciñais en Man Común

Edif. Administrativo Servizos Múltiples
Praza Luis Seoane
15008 A CORUÑA



XACOBEO 2004
Galicia



ACORDA calificar como veciñal en man común o monte *Pedra Miñóns e Seixos Brancos*, de pertenza da parroquia de Tines, concello de Vimianzo, cos lindeiros, superficie e características que resultan do primeiro antecedente de feito.. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndoo no Rexistro de Montes Veciñais en Man Común que figura na Delegación de Medio Ambiente da Coruña.

Notifíquese aos interesados".

A Coruña, 15 de novembro de 2004

V. e Pr.

A PRESIDENTA DO XURADO,

Asdo.- Ana M^a Díaz López



A SECRETARIA DO XURADO,

Asdo.- Ana M^a Casas González

